

Ernegkir vor Progkisch gereth und globit, daz er on keyn dem rathe der 20 alde ß und czinsze doruff gegangen schadinlosz halten und benemen wil. So hat Progkisch vordir Funkinsteyn gelubde gethan, on der vorsaczung obinberurt schadinlosz czu benemen und daz vor eyn rathe mit synir behuszung vorphant. Gereth und globit, ab er on nicht entledigen wurde, daz er sich an sulchem synen phande des schadinlosz halten und benemen wil an allen eynttrag und arge list.

1040.

1460 November 19; (1463 Februar 5)

Kunz Scharf und seine Frau bekennen, den unmündigen Kindern von Steffan Schleifer Geld zu schulden und diese dafür bis zur Mündigkeit zu versorgen.

fol. 195r ^(a)Kuncz Scharff und frauw Elsze, syne eewirtin, haben bekanth, daz sy mit den vormunden Steffan Slyffirs seligen kindir durch den rath und andir ir frunde fruntlichin geschidin und geteilt sint, also daz Kuncz Scharff den czweyen jungin kinden an ir gebure des huszis und slyffwergkis schuldig ist 9 nuwe ß gr. Dy summe geldis Scharff und syne eewirtin ynne haben und des gebruchin sullen, dy weyle dy czwei kindir czu mundigen jaren nicht komen sint, und sal auch dy kindir bey ðm behalden, mit essen, tringken und cleidirn nach notdurfft vorsorgen, unbeschedigit^(b) irem hauptgelde. Und so sy czu mundigen jaren komen wurden, sal ðn Scharff, ir stiffvater und frauw Elsze, ire mutir, daz uszrichten und an eynttrag bezcalen. Und haben den kinden daz mit demselben husze, daz ires vatirs gewest ist, vorphant und mit andirn iren gutirn. Ab sy nicht bezcalt wurden, so sullen sich dy kindere ir nicht bezcalt schuld vor ydirmenlichen irhalen. Actum in die Elizabeth anno domini etc. LX^{mo}.

^(c)Sulch gelt hat Austen Cle uff sich genummen unnd dasz hausz gekauft. Actum sabato post purificationis Marie anno domini LXIII^o.^(c)

a) alles durchgestrichen b) folgt durchgestrichen syn c-c) Zusatz

1041.

1461 März 23

Dratgießer bekennt eine Schuld und verpfändet sein Haus.

fol. 195v ^(a)Dratgiszir hat bekanth, daz er Nickel Trutteler an kauffe seyns huszis vor dem Frauenthor redelicher schuld czu bezcalin noch schuldig ist 13 alde ß gr, daz er gereth und globit hat, uszczurichten und gutlichin czu bezcalin 6 alde ß uff phingsten nest komende und dy hindirstelligin 7 alde ß gr uff Michaelis nest dornach folginde und hat ðm sulche schuld mit^(b) demselbin synen gekaufftin husze vorphant, ab er ðn addir syne erben uff dy